



**IZVJEŠTAJ O FINANSIJSKOM
POSLOVANJU JU CENTAR ZA SOCIJALNI RAD
VELIKA KLADUŠA ZA 2020. GODINU**

Velika Kladuša, april 2021. godine

1. UVOD

U finansijskom izvještaju poslovanja JU Centar za socijalni rad Velika Kladuša za 2020. godinu prikazuju se realizirani troškovi u 2020. godini u odnosu na planirana sredstva za 2020. godinu. Izvještajni period obilježen je pandemijom COVID-19 što je direktno utjecalo na realizaciju planiranih sredstva. Nakon višemjesečnog usaglašavanja Budžet Općine Velika Kladuša proglašen je i objavljen 15.09.2020. godine („Službeni glasnik“, broj 8/20 od 15.09.2020. godine). Pored navedenog izvještajni period obilježen je i uvođenjem novih prava kao što su: smještaj u hraniteljsku porodicu, naknada za treće i svako naredno živorođeno dijete, dječiji dodatak te povećanje naknade za porodilje koje nisu u radnom odnosu.

Odlukom Općinskog vijeća broj: 01-05-328/16 od 29.12.2016. godine definisana je uspostava trezorskog poslovanja. Postupajući po predmetnoj Odluci izvršeno je gašenje žiro-računa JU Centar za socijalni rad sa 31.05.2017. godine, te se sve obaveze istog plaćaju sa Jedinstvenog računa trezora. Shodno tome JU Centar za socijalni rad nema evidentiranih prihoda kroz svoju bruto bilansu, kao ni poslovanje preko žiro-računa.

JU Centar za socijalni rad u svojoj nadležnosti vodi brigu o stanovništvu, posebno socijalno osjetljivim kategorijama stanovništva. U 2020. godini evidentirano je 2.919 korisnika usluga i prava Centra (korisnika novčanih naknada). Prava i usluge koje korisnici ostvaruju putem Centra su: ostvarivanje prava na stalnu novčanu pomoć, naknada za porodilje u radnom i van radnog odnosa, briga o štíćenicima koji su smješteni u ustanovama, briga o ratnim i neratnim invalidima, civilnim žrtvama rata, smještaj štíćenika u hraniteljske porodice, naknada za treće i svako naredno živorođeno dijete, dječiji dodatak, usluge posredovanja, sufinansiranje troškova ukopa/dženaze i jednokratne novčane pomoći.

2. ANALIZA BILANSA STANJA

Pregled imovine s jedne strane i pregled izvora finansiranja imovine sa druge strane oslikava bilans stanja na dan 31.12.2020. godine. U nastavku slijedi prikaz imovine i izvora finansiranja imovine u poređenju sa prethodnom godinom.

R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
1	2	3	4	5	6	
1		I AKTIVA				
2	100000+200000	A. Gotovina, kratkoročna potraživanja, razgraničenja i zalihe (3 do 10)	001	815.089	820.084	99
3	110000	Novčana sredstva i plemeniti metali	002	0	0	0
4	120000	Vrijednosni papiri	003	0	0	0
5	130000	Kratkoročna potraživanja	004	1.059	3.177	33
6	140000	Kratkoročni plasmani	005	0	0	0
7	160000	Finansijski i obračunski odnosi sa drugim povezanim jedinicama	006	814.030	816.907	100
8	210000	Zalihe materijala i robe	007	0	0	0
9	220000	Zalihe sitnog inventara	008	0	0	0
10	190000	Kratkoročna razgraničenja	009	0	0	0
11	000000	B. Stalna sredstva (14+17+20+21)	010	137.359	138.732	99
12	011000	Stalna sredstva	011	261.854	255.986	102
13	011900	Ispravka vrijednosti stalnih sredstava	012	124.495	117.254	106
14	011-0119	Neotpisana vrijednost stalnih sredstava (12-13)	013	137.359	138.732	99
15	020000	Dugoročni plasmani	014	0	0	0
16	029000	Ispravka vrijednosti dugoročnih plasmana	015	0	0	0
17	020-029	Neotpisana vrijednost dugoročnih plasmana (15-16)	016	0	0	0
18	031000	Vrijednosni papiri	017	0	0	0
19	031900	Ispravka vrijednosti vrijednosnih papira	018	0	0	0
20	031-0319	Neotpisana vrijednost vrijednosnih papira (18-19)	019	0	0	0
21	09	Dugoročna razgraničenja	020	0	0	0
22		UKUPNA AKTIVA (2+11) = 41	021	952.448	958.816	99

R. b.	Broj konta	POZICIJA	AOP	U obračunskom periodu tekuće godine	U istom obračunskom periodu prethodne godine	Procenat (4/5 × 100)
1	2	3	4	5	6	
23		II PASIVA				
24	300000	A. Kratkoročne obaveze i razgraničenja (25 do 30)	022	814.030	820.084	99
25	310000	Kratkoročne tekuće obaveze	023	813.340	790.416	103
26	320000	Obaveze po osnovu vrijednosnih papira	024	0	0	0
27	330000	Kratkoročni krediti i zajmovi	025	0	0	0
28	340000	Obaveze prema zaposlenicima	026	690	29.668	2
29	360000	Finansijski i obračunski odnosi s drugim povezanim jedinicama	027	0	0	0
30	390000	Kratkoročna razgraničenja	028	0	0	0
31	400000	B. Dugoročne obaveze i razgraničenja (32+33+34)	029	0	0	0
32	410000	Dugoročni krediti i zajmovi	030	0	0	0
33	420000	Ostale dugoročne obaveze	031	0	0	0
34	490000	Dugoročna razgraničenja	032	0	0	0
35	500000	C. Izvori stalnih sredstava (36+37+38+39-40)	033	138.418	138.732	100
36	510000	Izvori stalnih sredstava	034	137.359	138.732	99
37	520000	Ostali izvori sredstava	035	0	0	0
38	530000	Izvori sredstava rezervi	036	0	0	0
39	590000	Neraspoređeni višak prihoda nad rashodima	037	1.059	0	0
40	590000	Neraspoređeni višak rashoda nad приходima	038	0	0	0
41		UKUPNA PASIVA (24+31+35) = 22	039	952.448	958.816	99

Tabela br. 1. Bilans stanja na dan 31.12.2020. godine

Aktivne pozicije bilansa stanja u ukupnom iznosu od 952.448,00 KM čine potraživanja u iznosu od 815.089,00 KM i stalna sredstava u iznosu od 137.359,00 KM. Pasivne pozicije bilansa stanja čine obaveze u iznosu od 814.030,00 KM i izvori sredstava u iznosu od 138.418,00 KM.

2.1. Analiza potraživanja

Centar u svojim evidencijama bilježi ukupna potraživanja na kraju izvještajnog perioda u iznosu od 815.089,00 KM, koja se odnose na potraživanja iz budžeta Općine u iznosu od

4.280,00 KM što se odnosi na materijalne troškove Centra za mjesec decembar 2020. godine. Na potraživanja od Kantona odnosi se iznos od 809.750,00 KM, te potraživanja od Zavoda zdravstvenog osiguranja za bolovanje preko 42 dana iznos od 1.059,00 KM.

Kada je riječ o potraživanjima od Kantona bitno je napomenuti da su to potraživanja od izvještajne i prenešena potraživanja iz prethodnih godina kao npr. potraživanja za naknade za porodilje u radnom odnosu od mjeseca juna 2018. godine pa do kraja izvještajnog perioda.

2.2. Analiza stalnih sredstava u obliku stvari i prava

JU Centar za socijalni rad u svojim evidencijama ima stalna sredstva sa nabavnom vrijednošću od 261.854,04 KM, sa otpisanom vrijednošću 124.494,70 KM i trenutnom vrijednošću 137.359,34 KM. Strukturu stalnih sredstva čine: zemljište (8.080 KM), upravna zgrada (109.718,00 KM), kancelarijska oprema (9.633,04 KM), prevozna sredstva (9.116,13 KM), djela likovne umjetnosti (500,00) i mašine i uređaji (312,17 KM). U izvještajnom periodu nabavljena je i stavljena u upotrebu kancelarijska oprema i uređaji u vrijednosti od 4.854,00 KM. Trošak amortizacije stalnih sredstava u izvještajnom periodu iznosi 7.345,00 KM.

2.3. Analiza obaveza

Prema podacima popisne komisije obaveze Centra na kraju izvještajnog perioda iznose:

Obaveze za materijalne troškove	2.890 KM
Obaveze za upravni odbor	690 KM
<u>Obaveze prema fizičkim licima</u>	<u>700 KM</u>
Ukupno iz budžeta općine	4.280 KM
Obaveze za smještaj u ustanovama	94.361 KM
Obaveze za socijalnu pomoć	36.880 KM
Obaveze za porodični smještaj	700 KM
Obaveze za porodilje u radnom odnosu	603.408 KM
Obaveze za medicinsko vještačenja	1.580 KM
Obaveze za tuđu njegu i pomoć	2.511 KM
Obaveze za porodilje van radnog odnosa	20.800 KM
Obaveze za hraniteljstvo	2.505 KM
Naknada za treće dijete	8.000 KM
<u>Dječiji dodatak</u>	<u>39.005 KM</u>
Ukupno obaveza iz budžeta kantona	809.750 KM
Sveukupne obaveze na klasi 3	814.030 KM

Od ukupnih obaveza na nedospjele obaveze odnosi se 84.983,00 KM, na dospjele obaveze odnosi se iznos od 729.047,00 KM, a na dospjele obaveze preko 90 dana odnosi se iznos od 583.197,00 KM. Rezultat dospjelih obaveza preko 90 dana su kašnjenja isplate naknada korisnicima Centra koje se finansiraju iz budžeta Kantona, pa s toga navodimo da se obaveze za porodilje u radnom odnosu odnose na period od juna 2018. godine pa sve do kraja izvještajnog perioda.

3. IZVORI FINANSIRANJA JU CENTAR ZA SOCIJALNI RAD VELIKA KLADUŠA

JU Centar za socijalni rad Velika Kladuša (u daljnjem tekstu Centar) finansira se iz:

1. Budžeta Općine Velika Kladuša,
2. Budžeta Kantonalnog Ministarstva zdravstva, rada i socijalne politike,
3. Budžeta Federalnog Ministarstva rada i socijalne politike.

3.1. Budžet Općine Velika Kladuša

Uvođenjem sistema trezorskog poslovanja Centar mjesečno dostavlja specifikacije troškova Općini Velika Kladuša, koja uplaćuje sve obaveze Centra a koje se odnose na:

- troškove zaposlenih,
- fiksne troškove Centra,
- troškove sahrana-dženaza za korisnike stalne novčane pomoći,
- jednokratne novčane pomoći,
- medicinska vještačenja,
- ostalo.

Troškovi zaposlenih odnose se na neto plaće, porez na dohodak, doprinose na plaću, doprinose iz plaća, posebna naknada za zaštitu od prirodnih i drugih nesreća, naknade za topli obrok, troškove prevoza, regres, pomoć u slučaju bolesti ili smrti, otpremnina kod odlaska u penziju ili gubitka posla.

Fiksni troškovi Centra odnose se na:

- izdaci za električnu energiju,
- izdaci za vodu i odvoz smeća,
- izdaci za PTT usluge,
- izdaci za administrativni materijal,
- izdaci za službena glasila i stručnu literaturu,
- izdaci za materijal za čišćenje,
- izdaci za gorivo za prijevoz,
- izdaci za osiguranje imovine i zaposlenih
- izdaci za usluge tekućeg održavanje
- izdaci za materijal za popravke i održavanje
- ostale nepredviđene izdatke.

Budžet Centra za 2020. godinu planiran je u ukupnom iznosu od 1.192.724,00 KM, od toga troškovi koji se finansiraju iz budžeta Općine planirani su u iznosu od 592.724,00 KM a ostatak od 600.000,00 KM finansira se iz budžeta Kantona.

3.2. Trebovanje novčanih sredstava od Ministarstva zdravstva, rada i socijalne politike

Sistem trezorskog poslovanja nije izmjenio način potraživanja odnosno trebovanja novčanih sredstava od Ministarstva zdravstva, rada i socijalne politike USK-a, Centar mjesečno

trebuje novčana sredstva za korisnike koji su ostvarili pravo na isplatu novčanih sredstava po različitim oblicima prava. Mjesečni iznosi su promjenjivi, jer se stanje mijenja iz mjeseca u mjesec zbog novih korisnika koji ostvare pravo i onih kojima je to pravo obustavljeno, ili je došlo do novog činjeničnog stanja.

Trebovanje sredstava od Ministarstva zdravstva, rada i socijalne politike USK-a rade se na mjesečnom nivou, trebovanja za Civilne žrtve rata zaključuju se do 25. u mjesecu za tekući mjesec, a trebovanja za ostale oblike prava obično se zaključuju do 10. u mjesecu za prethodni mjesec.

U trebovanjima se potražuju novčana sredstva za:

- a) Korisnike stalne novčane pomoći,
- b) Lica starija preko 65. godina kojima je priznata tuđa njega i pomoć,
- c) Smještaj u drugu porodicu,
- d) Smještaj maloljetnih i punoljetnih lica u ustanove socijalne zaštite,
- e) Naknada ženama-majkama porodiljama u radnom odnosu i van radnog odnosa,
- f) Naknada za treće i svako naredno živorođeno dijete,
- g) Dječiji dodatak,
- h) Medicinska vještačenja,
- i) Korisnicima statusa Civilnih žrtava rata
- j) Korisnicima statusa Neratni invalidi

4. PLANIRANI I OSTVARENI TROŠKOVI JU CENTRA ZA SOCIJALNI RAD VELIKA KLADUŠA ZA 2020. GODINU

Planirani budžet JU Centar za socijalni rad Velika Kladuša za 2020. godinu iznosi **1.192.724,00** KM, od toga troškovi koji se finansiraju iz budžeta Općine su planirani u iznosu od **592.724,00** KM, a ostatak od **600.000,00** KM se finansira iz budžeta Kantona.

Izvršenje u 2020. godini je **1.118.300,00** KM (93,8% od planiranog budžeta) od toga troškovi koji su teretili budžet Općine su ostvareni u iznosu od **455.381,00** KM (77% od planiranog budžeta), a ostatak od **662.919,00** KM (110,5% od planiranog budžeta) tereti budžet Kantona.

U nastavku slijedi tabelarni prikaz po ekonomskim kodovima zajedno s objašnjenjem o utrošenim i raspoređenim sredstvima:

Ekonomski kod	NAZIV	Plan budžeta za 2020	Rebalans budžeta za 2020.	Troškovi s 31.12.2020.
	UKUPNO:	1.192.724		1.118.300
	I Tekući izdaci	1.167.724		1.113.446
611000	Plaće i naknade troškova zaposlenih	402.841		327.462
611100	Bruto plaće	340.546		289.679
611111	Neto plaće i naknade	234.977		197.924
611131	Doprinosi iz plaće 31%	105.569		91.756
611200	Naknade troškova zaposlenih	62.295		37.782
611210	Naknade za prevoz s posla i na posao	8.000		4.187
611221	Naknada za topli obrok tokom rada	28.000		25.749
611224	Regres za godišnji odmor	7.095		6.149

611225	Otpremnina zbog odlaska u penziju	10.500		0
611226	Jubilarnе nagrade za stabilnost u radu	4.200		698
611227	Pomoć u slučaju smrti	2.500		0
611228	Pomoć u slučaju teške invalidnosti i bolesti	2.000		1.000
612000	Doprinosi poslodavca i ostali doprinosi	35.757		31.079
612111	Doprinosi poslodavca 10,5%	35.757		31.079
613000	Izdaci za materijal i usluge	67.126		40.287
613100	Dnevnice i putni troškovi	5.000		201
613200	Izdaci za energiju	7.000		5.663
613210	Izdaci za energiju (električnu energiju)	7.000		5.663
613300	Izdaci za komunikaciju	11.600		8.483
613311	Izdaci za PTT usluge	2.200		2.037
613312	Izdaci za internet	700		576
613313	Izdaci za mobilni telefon	1.000		536
613314	Izdaci za poštanske usluge	6.200		4.281
613321	Izdaci za vodu i odvoz smeća	1.000		750
613327	Usluge deratizacije	500		301
613400	Nabavka materijala i sitnog inventara	8.200		4.500
613410	Administrativni materijal	5.200		2.612
613413	Izdaci za službena glasila i stručnu literaturu	1.000		970
613418	Autogume	500		0
613484	Izdaci za materijal za čišćenje	1.500		917
613500	Izdaci za usluge prevoza i goriva	4.762		897
613510	Gorivo za prevoz	4.500		635
613523	Registracija motornih vozila	262		262
613700	Izdaci za tekuće održavanje	10.000		7.013
613710	Materijal za popravke i održavanje	6.000		2.489
613720	Usluge popravka i održavanja	4.000		4.524
613800	Izdaci osiguranja, bankarskih usluga i usluga platnog prometa	2.384		2.273
613811	Osiguranje imovine	1.384		1.384
613814	Osiguranje zaposlenih – kolektivno životno osiguranje	1.000		889
613900	Ugovorene i druge posebne usluge	18.180		11.257
613910	Izdaci za informisanje (uluge medija, oglašavanje)	2.800		140
613914	Usluge reprezentacije	500		244
613915	Ostale stručne usluge- sređivanje arhive	500		500
613915	Ostale stručne usluge – sistemski pregled uposlenih	1.400		0
613920	Usluge stručnog obrazovanja	1.500		560
613970	Naknada za privremene i povremene poslove	8.280		8.246
613983	Posebna naknada 0,5% na dohodak	1.200		984
613991	Ostale nespomenute usluge i dažbine	2.000		583
614000	Tekući transferi (grantovi)	662.000		714.619
614200	Grantovi pojedincima	652.000		714.619
614231	Beneficije za socijalnu zaštitu-naknade USK-a	600.000		662.919
614231-001	Jednokratna socijalna davanja-Općina	40.000		40.000
614231-002	Troškovi sahrana	5.000		4.700
614231-003	Stalna novčana pomoć –USK-a	70.000		62.168
614231-004	Tuđa njega i pomoć	6.500		4.536
614231-005	Porodični smještaj	15.000		8.856
614231-006	Porodilje u radnom odnosu	240.000		246.057
614231-007	Porodilje van radnog odnosa	7.000		27.900
614231-008	Medicinska vještačenja -kanton	5.000		4.623

614231-009	Jednokratne pomoći-kanton	3.000		1.800
614231-010	Smještaj u ustanovama	214.750		202.512
614231-011	Medicinsko vještačenje-općina	7.000		7.000
614231-013	Hraniteljstvo	10.000		10.128
614231-014	Naknada za treće dijete	20.000		34.500
614231-015	Dječiji dodatak	0		49.913
614239-005	Dječija nedjelja	750		1.326
614239-006	Lične potrebe (korisnici)	8.000		8.600
614800	Drugi tekući rashodi	10.000		0
614817	Izvršenje sudskih presuda i rješenja	10.000		0
	KAPITALNI IZDACI	25.000		4.854
821000	Izdaci za nabavku stalnih sredstava	25.000		4.854
821310	Kancelarijska oprema	5.000		4.854
821614	Rekonstrukcija zgrade javne ustanove	20.000		0
	UKUPNO	1.192.724		1.118.300

Tabela br. 2. Prikaz planiranih sredstava i ostvarenih troškova JU Centar za socijalni rad s 31.12.2020. godine

Iz prethodne tabele možemo vidjeti da se troškovi na teret budžeta Općine sastoje od:

Tekući izdaci	Plan za 2020	Ostvareno u 2020
Troškovi zaposlenih	438.598	358.540
Fiksni troškovi Centra	67.126	40.287
Beneficije za socijalnu zaštitu	52.000	51.700
Izvršenje sudskih presuda	10.000	-
Izdaci za nabavku sredstava	25.000	4.854
UKUPNO:	592.724	455.381

Tabela br. 3. Rekapitulacija troškova koji su teretili budžet Općine u 2020. godini.


Iz tabele se vidi da troškovi koji su teretili budžet Općine u 2020. godini manji za 137.343,00 KM u odnosu na planirana sredstva za 2020. godinu. U 2019. godini troškovi koji su teretili budžet Općine iznosili su 480.232,00 KM što je više za 24.851,00 KM. Do smanjenja troškova koji terete budžete Općine u izvještajnom periodu u odnosu na prethodnu godinu došlo je zbog:

- smanjenja broja uposlenih, pa je tako u prvoj polovini izvještajnog perioda bilo ukupno 14 zaposlenih, a u drugoj polovini izvještajnog perioda 13 zaposlenih,
- kada su u pitanju fiksni troškovi Centra došlo je do značajnog smanjenja putnih troškova (dnevnice), troškovi kancelarijskog materijala, troškova prijevoza i goriva, u odnosu na prethodnu godinu što je rezultat novonastale situacije izazvane pandemijom COVID-19.

Na osnovu Odluke o raspodjeli sredstava „Tekući transferi neprofitnim organizacijama – Transfer za implementaciju i uvođenje u pravo neratnih invalida“ broj 02-11/14-408/20 od 15.06.2020. godine Federalno ministarstvo rada i socijalne politike doznačilo je sredstva u iznosu od 3.000 KM namijenjena za materijalne troškove Centra. Sredstva su namjenski utrošena u 2020. godini.

Kada je riječ o beneficijama za socijalnu zaštitu iz Budžeta za 2020. godinu isplaćeno je 51.700,00 KM:

- jednokratne novčane pomoći 40.000,00 KM (287 korisnika)
- sufinansiranje troškova medicinskog vještačenja 7.000,00 KM (54 korisnika)
- sufinansiranje troškova ukopa 4.700,00 KM (7 korisnika)



Grafikon br. 1. Grafički prikaz fiksnih troškova Centra za 2020. godinu u poređenju sa planiranim troškovima za 2020. godinu i ostvarenim troškovima u 2019. godini.

Kod izvršenja dijela budžeta koji se finansira iz budžeta Kantona došlo je do odstupanja u iznosu od 62.919,00 KM odnosno 10,5% više od planiranog budžeta. Rezultat ovakvog odstupanja je uvođenje novih oblika prava kao što su hraniteljstvo, dječiji dodatak, naknada za treće i svako naredno živorođeno dijete, te povećanje iznosa naknade za porodilje van radnog odnosa. Prilikom planiranja budžeta za 2020. godinu nije bilo naznaka o mogućnošću uvođenja ovih prava, kao i povećanju iznosa naknada. Pored navedenog, nesvakidašnja situacija izazvana pandemijom Corona virusom - COVID 19 dovela je do pada prihoda u izvještajnom periodu što je u konačnici rezultiralo i smanjenjem izdataka, odnosno smanjenju ukupnog planiranog budžeta izvještajnog perioda.

5. TREBOVANA I DOZNAČENA NOVČANA SREDSTVA ZA 2020. GODINU OD STRANE MINISTARSTVA ZDRAVSTVA, RADA I SOCIJALNE POLITIKE UNSKO-SANSKOG KANTONA

U 2020. godini pravo na novčanu naknadu putem JU Centra za socijalni rad ostvarilo je 1.984 korisnika, na osnovu čega je za 2020. godinu trebavano 4.593.901,14 KM, što je znatno povećanje u odnosu na 2019. godinu kada je broj korisnika iznosio 1.484, a iznos trebovanih sredstava 4.465.761,52 KM.

U 2020. godini od Federalnog ministarstva zdravstva, rada i socijalne politike trebavano je ukupno 2.058.717,60 KM po osnovu prava Neratnih invalida, te 1.359.980,23 KM odnosno 70% od ukupnog trebovanja po osnovu prava Civilnih žrtava rata, od Ministarstva rada i socijalne politike Unsko-sanskog kantona trebavano je 1.175.203,31 KM.

Oblik prava	Broj korisnika	Iznos trebovanih sredstava
Smještaj u ustanove socijalne zaštite	25	139.632,19
Novčana naknada za pomoć i njegu od strane druge osobe	5	4.536,00
Stalna novčana pomoć	54	62.978,00
Civilne žrtve rata	558	1.942.828,98

Neratne invalidnine	644	2.058.717,60
Naknada za smještaj u drugu porodicu	6	5.531,10
Porodilje van radnog odnosa	122	27.900,00
Porodilje u radnom odnosu	86	246.057,18
Medicinsko vještačenje	47	4.623,25
Smještaj u hraniteljsku porodicu	3	13.557,56
Naknada za treće i svako naredno živorođeno dijete	67	34.500
Dječiji dodatak	348	49.913,28
Jednokratne novčane pomoći	12	1.800,00
Dječija nedjelja	7	1.326,00
Ukupno za 2020. godinu	1.984	4.593.901,14

Tabela br. 4. Pregled trebovanih sredstava po oblicima socijalne zaštite

Ukupna potraživanja od Ministarstva zdravstva, rada i socijalne politike Unsko-sanskog kantona na dan 31.12.2020. godine iznosi **809.750,25 KM**, a početno stanje potraživanja na dan 01.01.2021. godine, odnosno stanje potraživanja na kraju 2019. godine, iznosilo je 787.142,19 KM. Navedeni podaci o broju korisnika i stanju potraživanja oslikavaju stanje izvještajnog perioda.

5.1. Stalna novčana pomoć

Stalna novčana pomoć je oblik zaštite starih i iznemoglih lica, lica bez porodičnog staranja, kao i drugih lica koja su u stanju socijalne potrebe, a nemaju vlastitih prihoda niti drugih sredstava za osnovne životne potrebe. U 2020. godini Centar je evidentirao 54 korisnika stalne novčane pomoći. Dug Kantona sa 31.12.2020. godine koji se odnosi na stalnu novčanu pomoć iznosi 36.880,00 KM, ovaj dug odnosi se na period juni-decembar 2020. godine.

Opis	Iznos
PS. 01.01.2020.	68.248,00
Trebovano u 2020.	62.978,00
Isplaćeno u 2020.	94.346,00
Stanje na kraju 2019.	36.880,00

Tabela br. 5. Stalna novčana pomoć

Početno stanje na dan 01.01.2020. godine u iznosu od 68.248,00 KM odnosi se na period od 01.01.2019-31.12.2019., dakle isplata naknade za stalnu novčanu pomoć kasnila je godinu dana, da bih se u toku 2020. godine isplatila dugovanja iz prethodne godine i dio nastalih obaveza za 2020. godinu. Zadnja isplata naknade za stalnu novčanu pomoć bila je 29.12.2020. godine za maj 2020. godine.

5.2. Smještaj u drugu porodicu

Smještaj u drugu porodicu odnosi se na hraniteljske porodice koje imaju obavezu da vode brigu o štitičenicima Centra. Potpisivanjem Ugovora stiču pravo na mjesečni novčani iznos kao naknadu za potrebe korisnika dok sami hranitelji nemaju nikakvu naknadu. Dug Kantona za ovaj oblik zaštite sa 31.12.2020 godine iznosi 700,00 KM.

Opis	Iznos
PS. 01.01.2020.	1.150,00
Trebovano u 2020.	5.531,10
Isplaćeno u 2020.	5.981,10

Stanje na kraju 2020.	700,00
------------------------------	---------------

Tabela br. 6. Smještaj u drugu porodicu

Stanje na kraju 2020. godine odnosi se na mjesec novembar i decembar 2020. godine, što znači da su u 2020. godini isplate po ovom obliku zaštite bile redovne.

5.3. Naknada ženi porodilji u radnom odnosu i jednokratna novčana naknada ženi porodilji koja nije u radnom odnosu

Žene-majke koje su u radnom odnosu ostvaruju pravo na novčanu naknadu za vrijeme porodijskog odsustva putem Centra. Stanje duga po ovom obliku prava na kraju 2020. godine iznosi 603.407,71 KM.

Opis	Iznos
PS. 01.01.2020.	561.786,20
Trebovano u 2020.	246.057,18
Isplaćeno u 2020.	204.435,67
Stanje na kraju 2020.	603.407,71

Tabela br. 7. Naknada ženi porodilji u radnom odnosu

Početno stanje na dan 01.01.2020. u iznosu od 561.786,20 KM odnosi se na period od 01.08.2017.-31.12.2019. godine. U toku 2020. godine isplaćen je dug iz 2017. godinu kao i dio duga iz 2018. godine, zadnja isplata naknade za porodilje u radnom odnosu bila je 13.11.2020. godine za mjesec maj 2018. godine. Iz navedenog možemo zaključiti da isplate naknade porodiljama u radnom odnosu kasne i po 2 godine, što rezultira čestim tužbama od strane poslodavaca koji redovno izmiruju svoje obaveze i dostavljaju zahtjeve za refundaciju zajedno sa dokazima o izvršenim obavezama.

Žene-majke koje nisu u radnom odnosu (evidentirane su kao nezaposlene osobe), imale su pravo na jednokratnu novčanu pomoć u visini 100,00 KM, međutim Vlada Unsko-sanskog kantona na održanoj sjednici 19.08.2020. godine donijela je Odluku o visini novčane naknade za vrijeme porođaja žene-majke koja nije u radnom odnosu u 2020. godini broj: 03-017-2060/2020 kojom se visina naknade utvrđuje u iznosu od 600,00 KM, koja se isplaćuje u mjesečnom iznosu od po 100,00 KM. Stanje duga po ovom obliku prava na kraju 2020. godine iznosi 20.800,00 KM.

Opis	Iznos
PS. 01.01.2020.	3.400,00
Trebovano u 2020.	27.900,00
Isplaćeno u 2020.	10.500,00
Stanje na kraju 2020.	20.800,00

Tabela br. 8. Naknada ženi porodilji van radnog odnosa

Stanje na kraju 2020. godine odnosi se na dug tekuće godine, za period oktobar-decembar. Iz navedenog možemo vidjeti koliko je povećanje iznosa naknade utjecalo na broj zahtjeva korisnika, pa je tako u 2019. godini broj korisnika po osnovu prava na naknadu za porodilje van radnog odnosa iznosio 59, a u izvještajnoj 2020. godini taj broj se udvostručio pa je na kraju perioda ukupan broj korisnika iznosio 122.

5.4. Naknada za treće i svako naredno živorođeno dijete

Od juna 2020. godine Odlukom Vlade Unsko-sanskog kantona definisana je naknada u visini od 500,00 KM za treće i svako naredno živorođeno dijete. Stanje duga po osnovu ovog prava na kraju 2020. godine iznosi 8.000,00 KM.

Opis	Iznos
PS. 01.01.2020.	0,00
Trebovano u 2020.	34.500,00
Isplaćeno u 2020.	26.500,00
Stanje na kraju 2020.	8.000,00

Tabela br. 9. Naknada za treće i svako naredno živorođeno dijete

Dug na kraju 2020. godine odnosi se na period novembar-decembar 2020. godine.

5.5. Tuđa njega i pomoć za lica preko 65. godina starosti

Lica starija od 65. godina, kojima je na osnovu Nalaza i mišljenja Instituta za medicinsko vještačenje utvrđena potreba za tuđom njegom i pomoći od strane druge osobe, rješenjem Centra priznaje se pravo na novčanu naknadu (po ovom osnovu) i mjesečno se isplaćuje po doznačenim novčanim sredstvima. U 2020. godini evidentirano je 5 korisnika tuđe njege i pomoći.

Opis	Iznos
PS. 01.01.2020.	5.832,00
Trebovano u 2020.	4.536,00
Isplaćeno u 2020.	7.857,00
Stanje na kraju 2020.	2.511,00

Tabela br. 10. Tuđa njega i pomoć

Početno stanje odnosi se na period od 01.01.2019-31.12.2019., dakle isplata naknade za tuđu njegu i pomoć kasnila je godinu dana, da bi se u toku 2020 godine isplatila dugovanja iz prethodne godine i dio nastalih obaveza za 2020. godinu. Zadnja isplata naknade za tuđu njegu i pomoć bila je 29.12.2020. godine za maj 2020 godine.

5.6 Smještaj u ustanove socijalne zaštite

U 2020 godini na evidenciji Centa nalazi se 25 korisnika koji su na smještaju u Ustanovama socijalne zaštite, na osnovu čega je od Ministarstva po tom obliku prava za 2020 godinu trebovano 139.632,19 KM dok su 62.879,84 KM participirali štićenici.

Opis	Iznos
PS. 01.01.2020.	141.516,01
Trebovano u 2020.	139.632,19
Participacije u 2020.	62.879,84
Isplaćeno participacija	62.879,84
Isplaćeno- Kanton	186.786,91
Stanje na kraju 2020	94.361,29

Tabela br.11. Smještaj u ustanove socijalne zaštite

Dug na početku perioda odnosio se na period mart-decembar 2019. godine. U toku 2020. godine isplaćen je dug prethodne godine i dio duga iz tekuće godine. Zadnja isplata od 30.12.2020. godine odnosila se na april 2020. godine, dok su štićenici redovno participirali svakog mjeseca za prethodni. Zbog kašnjenja u plaćanju troškova smještaja izloženi smo čestim tužbama i opomenama od strane Ustanova.

5.7. Troškovi medicinskog vještačenja

Svim korisnicima kojima je priznato pravo kao neratnim invalidima priznaju se troškovi medicinskog vještačenja. Centar na osnovu njihovih faktura/naloga potražuje sredstva od

resornog Ministarstva. U 2020. godini Centar je evidentirao 47 korisnika medicinskog vještačenja, te je od Ministarstva trebovano 4.623,25 KM.

Opis	Iznos
PS. 01.01.2020.	5.209,98
Trebovano u 2020.	4.623,25
Isplaćeno u 2020.	8.253,14
Stanje na kraju 2020.	1.580,09

Tabela br. 12. Medicinsko vještačenje

U toku 2020. godine isplaćen je dug iz prethodne godine i dio duga iz tekuće 2020. godine. Stanje na kraju 2020. godine odnosi se na period oktobar-decembar 2020 godine.

5.8. Smještaj hraniteljsku porodicu

Smještaj u drugu hraniteljsku porodicu odnosi se na hraniteljske porodice koje imaju obavezu da vode brigu o štićenicima Centra. Potpisivanjem Ugovora stiču pravo na mjesečni novčani iznos kao naknadu za potrebe korisnika dok za razliku od porodičnog smještaja u ovom slučaju i hranitelji imaju naknadu. Dug Kantona za ovaj oblik zaštite sa 31.12.2020. godine iznosi 2.505,60 KM. Ovaj oblik zaštite uveden je u februaru 2020. godine.

Opis	Iznos
PS. 01.01.2020.	0,00
Trebovano u 2020.	13.557,56
Isplaćeno u 2020.	11.051,96
Stanje na kraju 2020.	2.505,60

Tabela br. 13. Smještaj u hraniteljsku porodicu

Stanje na kraju 2020. godine odnosi se na mjesec novembar i decembar 2020. godine, što znači da su u 2020. godini isplate po ovom obliku zaštite bile redovne.

5.9. Dječiji dodatak

Odlukom Vlade Unsko-sanskog kantona br: 03-017-2061/2020 od 19.08.2020. godine uvedeno je pravo na dječiji dodatak u visini od 3% prosječne plate Kantona ostvarene u prethodnoj godini što iznosi 26,16 KM po djetetu. Ovo pravo priznaje se od 01.10.2020. godine i do kraja 2020. godine navedeno pravo ostvarilo je 348 korisnika/nosioca rješenja odnosno 674 djeteta.

Opis	Iznos
PS. 01.01.2020.	0,00
Trebovano u 2020.	49.913,28
Isplaćeno u 2020.	10.908,72
Stanje na kraju 2020.	39.004,56

Tabela br. 14. Dječiji dodatak


Stanje na kraju 2020. godine odnosi se na mjesec novembar i decembar 2020. godine.

5.10. Rekapitulacija dugovanja Ministarstva zdravstva, rada i socijalne politike Unsko-sanskog kantona sa 31.12.2020. godine

Ukupno dugovanje Ministarstva zdravstva, rada i socijalne politike prema korisnicima Centra sa 31.12.2020. godine iznosi 809.750,25 KM.

Oblik prava	Dug sa 31.12.2020.
Smještaj u Ustanove socijalne zaštite	94.361,29
Stalna novčana pomoć	36.880,00
Smještaj u drugu porodicu	700,00
Porodilja u radnom odnosu	603.407,71
Porodilja van radnog odnosa	20.800,00
Tuđa njega i pomoć	2.511,00
Troškovi za medicinsko vještačenje	1.580,09
Naknada za treće i svako naredno živorođeno dijete	8.000,00
Hraniteljstvo	2.505,60
Dječiji dodatak	39.004,56
UKUPNO	809.750,25

Tabela br. 15. Rekapitulacija ukupnog dugovanja Ministarstva prema Centru



Grafikon br. 2. Učešće pojedinačnih oblika prava u ukupnom dugu Ministarstva prema Centru.

6. SREDSTVA IZ BUDŽETA FEDERACIJE BOSNE I HERCEGOVINE I UNSKOG KANTONA

Iz budžeta F BiH sufinansiraju i finansiraju se:

- Civilne žrtve rata (sufinansiraju)
- Neratni invalidi (lica sa utvrđenim stepenom invaliditeta od 90% i 100%)- finansiraju.

6.1. Civilne žrtve rata

JU Centar za socijalni rad Velika Kladuša mjesečno treba novčana sredstva prema Kantonalnom ministarstvu za oblik prava Civilne žrtve rata prema kojem se omjer finansiranja odnosi tako da 70% finansira Federalno ministarstvo rada i socijalne politike, a 30% Kantonalno ministarstvo. U 2020. godini trebavano je i isplaćeno 1.942.828,98 KM za 558 korisnika prava Civilnih žrtava rata. Za razliku od ostalih navedenih prava čija isplata ide putem Centra, kada su u pitanju Civilne žrtve rata isplatu naknada vrši Ministarstvo direktno na tekuće račune korisnika. Isplate po ovom pravu su redovne i uglavnom polovinom mjeseca

za prethodni mjesec. U 2020. godinu trebavano je i isplaćeno manje za 21.992,99 KM u odnosu na 2019. godinu, što je rezultat završetka redovnog školovanja kod djece i obustave prava zbog smrti korisnika.

6.2. Neratni invalidi (lica sa utvrđenim stepenom invaliditeta od 90% i 100%)

Kategorija neratni invalidi odnosi se na korisnike kojima je utvrđen stepen invalidnosti 90% i 100%. Federalno ministarstvo rada i socijalne politike korisnicima ovog prava na njihov tekući račun doznačava sredstva. Za 2020. godinu na ime ove novčane naknade isplaćeno je: 2.058.717,60 KM. U 2020. godini Centar je evidentirao 644 korisnika novčane naknade po osnovu prava Neratnih invalida. U 2020. godini trebavano je i isplaćeno više za 41.954,72 KM u odnosu na 2019. godinu.

6.3. Rekapitulacija isplaćenih sredstava korisnicima prava JU Centar za socijalni rad u 2020. godini

Dakle, navedeno je da su izvori finansiranja JU Centar za socijalni rad Budžet Općine Velika Kladuša (beneficije za socijalnu zaštitu kao što su jednokratne novčane pomoći i suvencioniranje troškova ukop/sahrana), zatim Kantonalno Ministarstvo zdravstva, rada i socijalne politike te Federalno Ministarstvo rada i socijalne politike (neratne invalidnine). U nastavku slijedi tabelarni prikaz isplaćenih sredstava u 2020. godini.

R.br.	Izvor finansiranja	IZNOS
1.	Budžet Općine Velika Kladuša	51.700,00
2.	Kantonalno Ministarstvo zdravstva, rada i socijalne politike USK-a	569.746,50
3.	Federalno Ministarstvo : - neratni invalidi	2.058.717,60
4.	Isplata u omjeru 70% i 30% od osnovice za isplatu (Federalno i kantonalno ministarstvo)	1.942.828,98
	UKUPNO:	4.622.993,08

Tabela br. 16 Ukupna isplaćena sredstva u 2020. godini

Ukupno isplaćena sredstva po svim oblicima prava u 2020. godini iznosi **4.622.993,08** KM. Na osnovu Odluka Vlade USK-a:

- br.03-017-1638/2020 od 16.04.2020. godine (1.800,00 KM),
- br.03-017-1588/2020 od 09.04.2020. godine (750,00 KM)
- br.03-017-2404/2020 od 08.12.2020. godine (576,00 KM)

u okviru sredstava isplaćenih od strane Kantonalnog Ministarstva zdravstva rada i socijalne politike na ime jednokratne pomoći za socijalno ugrožene isplaćeno je 1.800,00 KM, te na ime Dječije nedjelje 1.326,00 KM.

ZAKLJUČAK

JU Centar za socijalni rad Velika Kladuša novčana sredstva raspoređuje namjenski i u okvirima koji su predviđeni u Planu budžeta za 2020. godinu. Planirani budžet JU Centar za socijalni rad Velika Kladuša za 2020. godinu iznosi 1.192.724,00 KM, od toga troškovi koji se finansiraju iz budžeta Općine su planirani u iznosu od 592.724,00 KM, a ostatak od 600.000,00 KM se finansira iz budžeta Kantona.

Izvršenje u 2020. godini je 1.118.300,00 KM od toga troškovi koji su teretili budžet Općine su ostvareni u iznosu od 455.381,00 KM, a ostatak od 662.919,00 KM tereti budžet Kantona. U 2020. godini u okviru troškova koji terete budžet Općine nije bilo značajnih povećanja niti izmjena u odnosu na 2019. godinu pa su tako u izvještajnom periodu troškovi manji za 24.851,00 KM.

U svojim evidencijama Centar bilježi ukupna potraživanja u iznosu od 815.089,00 KM. Od ukupnih potraživanja iznos od 4.279,74 KM odnosi se na potraživanja od Općine za troškove Centra za mjesec decembar izvještajne godine (materijalni troškovi Centra, naknada za upravni odbor i obaveze prema fizičkim licima-troškovi ukopa). Potraživanja u iznosu od 1.059,04 KM od Zavoda zdravstvenog osiguranja na ime refundacije bolovanja preko 42 dana, te potraživanja od Kantona u iznosu od 809.750,25 KM.

Ukupne obaveze Centra sa 31.12.2020. godine iznose 814.029,99 KM. Od čega se na materijalne troškove Centra za mjesec decembar odnosi 2.889,74 KM, naknada za upravni odbor 690,00, obaveze prema fizičkim licima-troškovi ukopa 700,00 KM, obaveze prema korisnicima Centra 715.388,96 KM te obaveze prema Ustanovama u iznosu od 94.361,29 KM.

OBRAĐIVAČ

JU Centar za socijalni rad
Velika Kladuša

PREDLAGAČ

Općinski načelnik
Općine Velika Kladuša

Broj: 01-UO-04-440-2/2021
Velika Kladuša, 15.04.2021. godine